



唐玄宗皇帝集卷上

賦

喜雨賦

仰重華之齊政步文命之彝倫何天道之云
遠亦明徵之在人迄中夏而自春遘憊陽而
爲亢雲重結而復解雨纔滴而還障山桐植
桂而不答田畷倚耒而惆悵京兆來奏音官
撰曲將土龍而驕首請神巫而頓足彼有憑
而可舉予何抑而未許恐歲凶之及人寧天

同書

賦

喜雨

謹於我身乃潔齋壇墀五精是祠暴立炎赫
三日為期上帝臨我衷誠不欺重泉蒸潤觸
石吐滋平雲暗而鋪幕密雨森其散絲無雷
無電不震不眩匪疾匪徐乍合乍踈泛草泊
樹垂珠點露過闕入樓含煙雜霧或噴薄而
攢集或淋漓而灌注亂積水之圓文拂微風
之斜度寰海浹而康樂吠畝欣而相顧絲管
合兮夜將曉芙蓉開兮日未暮原夫雨之為
德也無小大之異情無高卑之不平無華朽
潤無臭薰之隔榮喜夫雨之今應也起一言
而不舍經累旬而廣瀉納清陰之浮涼同顯
氣之飄灑感作霖於殷命諷其滂於周雅家
尚知乎禮節國有望於豐霸小陽臺之神人
却大苑之走馬觀雲行而雨施吾何事乎天
下

五言古詩

送李邕之任滑臺

漢家重東郡宛彼白馬津黎庶既蕃殖臨之

勞近臣遠別初首路今行方及春課成應第
一良牧爾當仁

經河上公廟

昔聞有耆叟河上獨遺榮跡與塵囂隔心將
道德并詎以天地累寧爲寵辱驚矯然邈寥
廓如何屈堅貞玄玄妙門啓肅肅祠宇清冥
漠無先後那能紀姓名

行次成皋途經先聖擒建德之所緬
思功業感而賦詩

有隋政昏虐群雄已交爭先聖按劍起叱咤
風雲生飲馬河洛竭作氣嵩華驚克敵睿圖
就擒俘帝道亨顧慙嗣寶曆恭承天下平幸
過剪鯨地感慕仁且英

校獵義成喜逢大雪率題九韻以示

群臣

弧矢威天下旌旗遊近縣一面施鳳羅三驅
教人戰暮雲積成雪曉色開行殿皓然原隰
同不覺林野變北風勇士馬東日華組練觸

地銀塵出連山縞鹿見月兔落高層星狼下
急箭既欣盈尺兆復憶磻溪便歲豐將遇賢
俱荷皇天眷

端午三殿宴群臣

五月符天數五音調夏鈞舊來傳五日無事
不稱神穴枕通靈氣長絲命續人五花時覽
巧九子粽爭新方殿臨華節圓宮宴雅臣進
對一言重適文六藝陳股肱良足詠風化可
還淳

溫湯對雪

北風吹同雲同雲飛白雪白雪乍迴散同雲
何慘烈未見溫泉冰寧知火井滅表瑞良在
茲庶幾可怡悅

過晉陽宮

緬想封唐處寔惟建國初俯察伊晉野仰觀
乃參虛井邑龍斯躍城池鳳翔餘林塘猶沛
澤臺榭宛舊居運華祈中否時遷命待茲顧
循承丕構怵惕多憂虞尚恐威不逮復慮化

未孚豈徒勞轍跡所期訓戎車習俗問黎人
觀巡慰里閭求言念成功頌德臨康衢長懷
經綸日嘆息履庭隅艱難安可忘欲去良踟
躕

七言古詩

初入秦川路寒食

洛川芳樹映天津灞岸垂楊宰地新直為經
過行樂處不知虛度兩京春去年餘閨今春
早曙色和風著花草可憐寒食與清明光輝

并在長安道自從關路入秦川爭到何人不
戲鞭公子途中妨踟躕佳人馬上廢鞦韆渭
水長橋今欲度忽忽漸見新豐樹遠看驪岫
入雲霄預想湯池起煙霧霧氣氤氳水殿開
暫拂香泉歸去來今歲清明行已晚明年寒
食更相陪

春臺望

暇景屬三春高臺聊四望日極千里際山川
何一壯大華見重巖終南分疊嶂郊原紛綺

錯參差多異狀佳氣滿通郊遲步入綺樓初
鶯一一鳴紅樹歸鴈遲遲去綠洲太液池中
下黃鶴昆明水上映牽牛聞道漢家全盛日
別館離宮趣非一甘泉逶迤巨明光五祚連
延接未央周廬微道縱橫轉飛閣迴軒左右
長須念作勞居者逸勿言我後焉能恤爲想
雄豪壯栢梁何如儉陋卑茅室陽烏黯黯向
山沉夕鳥喧喧入上林薄暮賞餘回步輦還
念中人罷百金

五言律詩

過大哥宅探得歌字

魯衛情先重親賢愛轉多冕旒豐暇日乘景
暫經過戚里申高宴平臺奏雅歌復尋爲善
樂方驗保山河

酬玉真公主過大哥山池

地有招賢處人傳樂善名鷺池尋九達龍岫
對層城桂月先秋冷蘋風向晚清鳳樓遙可
見彷彿玉簫聲

經魯祭孔子而嘆之

夫子何為者栖栖一代中地由鄒氏邑宅即
魯王宮嘆鳳嗟身否傷麟怨道窮今看兩楹
奠當與夢時同

幸蜀西至劍門

劍閣橫雲峻鑾輿出狩回翠屏千仞合丹嶂
五丁開灌木縈旗轉仙雲拂馬來乘時方在
德嗟爾勒銘才

送賀知章

遺榮期入道辭老竟抽簪豈不惜賢達其如
高尚心寰中得祕要方外散幽襟獨有青門
餞群僚悵別深

惟此溫泉是稱愈疾豈余獨受其福
思與兆人共之乘暇巡遊乃言其志
桂殿與山連蘭湯湧自然陰崖含秀色溫谷
吐潺湲績為蠲邪著功因養正宣願言將億
兆同此共昌延

平胡

邊服胡塵起長安漢將飛龍蛇開陣法貔虎
振軍威詐虜腦塗地征夫血染衣今朝書奏
入明日凱歌歸

過老子廟

仙居懷聖德靈廟肅神心草合人蹤斷塵濃
鳥迹深流沙丹竈沒關路紫煙沉獨傷千載
後空餘松栢林

唐玄宗皇帝集卷上

唐玄宗皇帝集卷下

五言排律

早度蒲關

鍾鼓嚴更曙山河野望通鳴鑿下蒲坂飛旆
入秦中地險關逾壯天平鎮尚雄春來津樹
合月落戍樓空馬色分朝景鷄聲逐曉風所
希常道泰非復俟繻同

集賢書院成送張說上集賢學士賜
宴

廣學開書院崇儒引席珍集賢招袞職論道
命台臣禮樂洽今古文章革舊新獻酬尊俎
列賓主位班陳節變雲初夏時移氣尚春所
希光史冊千載仰茲辰

春曉宴兩相及禮部於麗正殿探得

風字

乾道運無窮恒將人代王陰陽調曆象禮樂
報玄窮介冑清荒外衣冠佐域中言談延國
輔詞賦引文雄野霽伊川綠郊明鞏樹紅冕
旒多暇景詩酒會春風

首夏華萼樓觀群臣宴寧玉山亭迴
樓下又申之以賞樂賦詩

今年通閏月入夏展春輝樓下風光晚城隅
宴賞歸九歌揚政要六舞散朝衣天喜時相
合人和事不違禮中推意厚樂處感心微別
賞陽臺樂前旬暮雨飛

同二相已下群官樂遊園宴

撰日巖廊暇需雲宴樂初萬方朝玉帛千品

會籍裾地入南山近城分北斗餘池塘垂柳
暗原野雜花踈帶幙看逾暗歌鐘聽自虛興
闌歸騎轉還奏弼違書

南山雀鼠谷荅張說

雷出應乾象風行順國人川塗猶在晉車馬
漸歸秦背碛關山險橫汾鼓吹震草依陽谷
變花待北崑春聞有鷓鸞客清詞雅調新求
音思欲報心跡竟難陳

賜崔日知往潞州

潞國開新府壺關寵舊林妙旌循吏德特悅
庶氓心禮樂中朝貴神明列郡欽揚風非贈
扇易俗是張琴藩鎮謳謠滿行宮雨露深會
書丞相策先賜潁川金

左丞相張說右丞相宋璟太子少傅

乾曜同日上官命宴都堂賜詩一首

赤帝妝三傑黃軒舉二臣由來丞相重分掌
國之均我有握中璧雙飛席上珍子房推道
要仲子訝風神復輟台衡老將為調護人鷓

鸞同拜日車騎擁行塵樂聚南宮宴觴連北
斗醇俾予成百揆垂拱問彝倫

早登太行山中言志

清蹕度河陽凝笳上太行火龍明鳥道鐵騎
繞羊腸白霧埋陰壑丹霞助曉光澗泉含宿
凍山木帶餘霜野老茅為室樵人薜作裳宣
風問耆艾敦俗勸畊桑涼德慙先哲微猷慕
昔皇不因今展義何以冒垂堂

送張說巡邊

端拱復垂裳長懷御遠方股肱申教義戈劍
靜要荒命將綏邊服雄圖出廟堂三台入武
帳八座起文昌瑤胄匡韓主華宗輔漢王茂
先慙博物平子謝文章畫節恢時佐輸誠禦
寇塲三軍臨朔野駟馬即戎行鼓吹威夷狄
旌軒溢洛陽雲臺先著美今日更貽芳

餞王峻巡邊

振武威荒服揚文肅遠墟金壇申將禮玉節
受軍符免胄三方外銜刀萬里餘昔時娛會

靜今日虜庭虛分闡仍推轂援桴且訓車風
揚旌旆遠雨洗甲兵初坐見分階謚行聞祆
祲除檄來雖插羽箭去亦飛書舟楫功須著
益梅望匪踈不應陳七德欲使化先敷

千秋節宴

蘭殿千秋節稱君萬歲觴風傳率土慶日表
繼天祥玉宇開花萼宮懸動會昌衣冠白露
下帘幕翠雲長獻成新俗朝儀入舊章月
銜花綬鏡露綴彩絲囊處處祠田祖年年宴
杖鄉深思一德事小獲萬人康

途經華岳

飭駕去京邑鳴鑾指洛川循途經太華迴蹕
暫周旋翠萼留斜影懸巖冒夕煙四方皆石
壁五位配金天彷彿看高掌依稀聽子先終
當銘歲月從此記靈仙

喜雪

日觀卜先征時巡順物情風行未備禮雲密
遽飄霏委樹寒花發縈空落絮輕朝如玉已

會庭似月猶明既覩膚先合還欣尺有盈登
封何以報因以謝功成

幸鳳湯泉

西狩觀周俗南山歷漢宮薦鮮知路近省歛
覺年豐陰谷含神釁湯泉養聖功益齡仙井
合愈疾醴源通不重鳴岐鳳誰矜陳寶雄願
將無限澤沾沐衆心同

暇日與兄弟同遊興慶宮作

代邨青門石離宮紫陌垂庭如過沛日水若

渡江時綺觀連鷄岫朱樓接鴈池從來敦棣
萼今此茂荆枝萬葉傳餘慶千年志不移憑
軒聊屬日輕輦共追隨務本方崇訓相輝保
羽儀時康俗易漸德薄政難施鼓吹迎飛蓋
絃歌送羽卮所希覃率土孝弟一同規

爰因巡省途次舊宮

三年初擊浪九萬欲搏空天地猶驚否陰陽
始遇蒙存身期歷試佐貳佇昭融多謝時康
理良慙寶劔功長懷問鼎氣夙負拔山雄不

學劉琨舞先歌漢祖風英髦既包括豪傑自
牢籠人事一朝異謳歌四海同如何昔朱邸
今此作離宮鴈沼澄瀾翠猿巖落照紅小山
餘桂馥長坂舊蘭叢即是淹留處乘歡樂未
窮

登蒲州逍遙樓

長榆息烽火高柳靜風塵北征巡九洛展豫
出三秦昔是潛龍地今爲上理辰時平乘道
秦聊賞遇年春黃河分地絡飛觀接天津一

覽遺芳翰千載肅如神

平胡并序

戎羯不虔竊我荒服命偏師之俘剪彼應期
而咸殄一麾克定告捷相仍爰作是詩聊以
言志

雜虜忽猖狂無何敢亂常羽書朝斷入烽火
夜相望將出凶門勇兵因死地強蒙輪皆突
騎接險盡鷹揚鼓角雄山野龍蛇入戰場流
膏潤沙漠濺血染鋒鋌霧清玄雲開靜

朔方武功今已立文德愧前王

七言律詩

春日出苑遊矚

太子時作

三陽麗景早芳辰
四序佳園物候新
梅花百般障去路
垂柳千條暗回津
鳥驚直爲飛風
葉魚沒都由怯岸人
唯願聖主南山壽
何愁不賞萬年春

五言絕句

潼關口號

河曲回千里關門限二京
所嗟非恃德設險到天平

續薛令之

喙木觜距長鳳凰
毛羽短苦嫌松桂寒
任逐桑榆暖

七言絕句

過大哥山池

澄潭皎鏡石崔嵬
萬壑千巖暗綠苔
林臺自有幽貞趣
况復秋深爽氣來

傀儡吟

刻木牽絲作老翁雞皮鶴髮與真同
須臾弄罷寂無事還似人生一夢中

題梅妃畫真

憶昔嬌妃在紫宸鉛華不御得天真
霜綃雖似當時態爭奈嬌波不顧人

頌

鵲鷓頌俯同魏光乘作

并序

朕之兄弟唯有五人此為方伯歲一朝見雖

輦崇藩屏而有睽談笑是以輟牧而各守京
職每聽政之後延入宮掖申友予之志詠棠
棣之詩邕邕如怡怡如展天倫之愛也秋九
月辛酉有鵲鷓千數栖集于麟德之庭樹竟
旬焉飛鳴行搖得在原之趣昆季相樂縱目
而觀者久之逼之不懼翔集自若朕以為常
鳥無所志懷左清道率府長魏光乘才雄白
鳳辯壯碧雞以其宏達博識名至軒檻預觀
其事以獻其頌夫頌者所以揄揚德業褒讚

成功顧循虛昧誠有負矣美其彬蔚俯同頌
矣云

伊我軒宮竒樹青葱藹周廬兮冒霜停雪以
茂以悅恣卷舒兮連枝同榮吐綠含英曜春
初兮蓐收御節寒露微結氣清虛兮桂宮蘭
殿唯所息宴棲雍渠兮行搖飛鳴急難有情
情有餘兮顧惟德涼夙夜兢惶慙化踈兮上
之所教下之所效實在予兮天倫之性魯衛
分政親賢居兮爰遊爰處爰笑爰語巡庭除
兮觀此翔禽以悅我心良史書兮

銅書

湖山堂
陳日昇
印

